



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cornelii Jansenii Iprensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

Sect. XI. Solvuntur argumenta.

**urn:nbn:de:hbz:466:1-39351**

## 200 LIBER PRIMUS

quemadmodum fides, Spes & Charitas, ita & oratio ad plures protenditur quam ad electos aut ferè electos ; illisque fidelis Deus sæpè numero promissam præstat opem, ut non superrentur à Concupiscentiâ suâ abstracti & illeæti, vel à diabolo decepti. Excidunt autem quia orare pigescunt ac tandem desinunt. Deserunt & deseruntur non tantum Judicio Dei occulto; sed & pro actuali neglectu, retribuente quod Justum est. Alioquin cum videris non à te amotam tuam, securus esto, quia non est amota misericordia ejus. Neque deprecandi potestatem omnem, quâ petere possis ut possis temptatione non vinci, autumno sine culpâ, si id mereatur, penitus tibi creptum iri. Nam qui eo nuditatis atque inopie redacti creduntur, ut nec velle orare, nec orare, nec bene velle aut agere, vel mala posse vitare videantur, suis id meritio accepto ferre debere Augustinus crebrius affirmat.

## SECTIO XI.

*Solvuntur Argumenta.*

L. 3. de Grat. Christi c. 13. **O**bijicit Jaſſenius Augustinum ita differen-  
p. 328. tem : Tantum pro conditione mortalitatis hu-  
Aug. l. 13. de jus adversari finitur diabolus; quantum eis expedire  
Grat. c. 19. novit, de quo Sacrae litteræ personant per os Aposto-  
licum." Fidelis Deus qui non permetteret vos tentari,  
supra id quod potestis, sed faciet &c. Sed circa eos  
ista servantur de quibus Apostolus dicit: Scimus  
quia diligentibus Deum omnia cooperantur in bonum  
iis qui secundum prepositum vocati sunt Sancti.

Respondeo Augustinum non excludere alios  
Justos bene petentes. Quod autem dicat ista ser-  
vari circa electos mirum non est, quia hi fina-  
lem

## DE PROPOSITIONE I. 201

Iem soli victoriam referunt quia usque in finem perseverant; perseverant autem quia usque in finem petunt *quomodo & quantum res tanta perenda est.* Imò si & hi interdum titubant & exorbitant prodest ipsis tentatio sicut prolapsio, eò quod humiliores resurgent. Prætereà non omnes electi semper petunt prout petere debent; unde & cadere permittuntur sicut alii, licet finaliter tentatorem debellent. Ad temporales igitur Justos etiam dominica promissio pertinet qui & ipfi exitum fortunatum è tentatione consequuntur illud impletentes: *petite & accipietis.* Neque solos electos aut ferè electos orare docuit Dominus: *Ne nos inducas in temptationem.* Quod igitur de finali temptationis victoriâ agat Augustinus, claret ex eo quod etiam electi aliquando vincantur sicut alii Justi, ut patet in Petro Apostolo aliisque in temptatione turbatis & postea humiliatis.

Instar Guilielmus Estius in hunc locum Apostoli: *Quod non ad omnes sed ad solos electos Apostoli verba referenda esse, manifestè probat quod sequitur:* *Sed facit etiam in temptatione proventum.* Græcè: *Sed faciet cum temptatione etiam exitum, eventum, evasione.*

Respondeo sicut bina est Justitia temporalis, & finalis, ita binus temptationis exitus temporalis & finalis. Hic solis electis proprius est, iste communis. Præsidio hujus orationis: *Ne nos inducas in temptationem* sèpè exitum faciunt Justi feliciterque evadunt, quamquam finaliter vincantur, deserant, & deserantur.

Objicit idem Doctor Augustinum lib. de dono Perseverantie c. 9. in ps. 61. 77. & 120. quo postremo loco dicitur: *Dominus securus est qui novit qui sunt ejus, quæ est electorum notio.*

Respondeo libro *de Perseverantia dono de finali dumtaxat victoria agi*, quæ procul dubio electis propria est. Ultimo verò loco eundem respicere ad finalem exitum dum ait: *Novit qui sunt ejus.* Verumtamen quod præmiserat de humilitate, ad alios pertinere quis inficias eat: *humilitas ergo custodit in tentatione.* Nisi humilitatem humilemque orationem Electorum paucitate coarctemus? Nulli ergo reprobi ab humilitate in superbiam prolapsi sunt? Nulli reprobi eum Justi fuerunt cum Fide, Spe, Charitate, humilitate oraverunt? Nulli temporalem continentiam orando impetrare meruerunt? Nulli Justi non electi hanc orationis Dominicæ partem ulla ex parte impleyerunt: *ne nos inducas in temptationem?*

Nulli Justi non electi Mandatum servaverunt: *petite & accipietis*, ut facerent Deum fidelissimum debitorem? Igitur quotquot & quamdiu in veritate Charitate, castitate stetérunt (stetisse autem extra ambiguū est) non orationis munimine protecti steterunt, sed gratiæ Cœlestis Juvamine non petentibus impartito. Quis ista digerat? Igitur non tantum suos finaliter Deus servat à malo, sed & non suis se deprecantibus felicem tribuit exitum, seseque fidelem præbet quibus promisit: *Petite & accipietis.* Et si perseveranter orarent, etiam perseveranter adjuvaret, qui in promissis fidelis est & seipsum negare non potest.

Obiicit Similiter Hormisdam ad Possefforem Episcopum scribentem: *Deus qui per beatum Apostolum dixit: qui vos non dimisit tentari supra id quod potestis: ipse pro sua pietate quos suos elegit esse de laqueis adversariorum, sicut semper, eripiet.* Eosdem intellexit sub nomine filiorum Gregorius. lib. 14. Moral. cap. 14.

Ref.

## DE PROPOSITIONE I. 203

Respondetur : vel agitur de ेreptione finali à tentationis malo & diaboli laqueis , & manus damus : hoc enim solis electis concedimus . Vel de ेreptione ab omni tentatione ; sed nec hanc Justi licet electi evadunt semper nisi dum orant , ut debent ; hoc autem & alios Justos præstare sæpè monstratum est , igitur & illi eripiuntur divinâ pietate à diaboli láqueis .

Idem respondendum ad Epistolam S. Leonis S. Leo ep 27.  
ad S. Flavianum ubi ait : *Providentia Dei per se suis necessarium præstat auxilium.*

Ceteroquin satis generatim idem Pontifex loquitur Serm. 7. de Jejunio decimi mensis agens de homine jam baptizato : *Sicut illi numquam deest unde corrutus , ita semper Præsto est , unde subsistat ,* dicente Apostolo : *fidelis enim Deus , qui vos non patietur tentari supra id quod potestis , &c.*



L I.